

犯抑而行之情必不堪合無俯從末議照  
舊召募其已給工食或行免追其未給工  
食或仍派入各圖內計畝而筭不過毫忽  
儘可充用庶上不虧

國租下不叢民怨官民兩便經久可行矣三  
議畧曰條鞭之法總收分解不僉富戶不  
審均徭不用書手不設牌長供官役者止  
三十七人費官銀者止四百六十二兩五

錢每歲所不下八九千金且日出領贖  
日入交庫櫃頭不經手納戶不苦費民自  
正糧正徭之外毫無差役為累委係省便  
甯芳等所告委非虛罔但召募徵收一節  
似未妥貼甘其中有小心勤慎者亦有奸猾  
壞事者前奉軍門孫明文既革久役櫃頭  
近奉按院連廷嚴票又追已給工食誠慮法  
久弊生無非盛心無非公舉本縣前議于

見年里長內委聽親收既拂士民之公願  
後議于舊得收頭內仍給工食又違撫之  
新行原欠調停本縣又訪之闔縣士民皆  
以為與其議徵收之法不若議徵收之人  
與其用積年奸猾之輩以壞事不若用各  
鄉謹厚之徒以彌弊議于本縣一百三里  
內公同公正里老內選設實有行止善書  
實者照數止用三十七人其三十七人之

工食攤于一百二里依照本里本甲丁地  
多寡量行包補以足四百六十二兩五錢  
之數如此則既無攤頭之名又無富戶之  
累既于闔縣士民之公願不拂又于兩院  
之新行不違既免條鞭未行之害又享條  
鞭已妥之利于民不擾于官甚便似應經  
久可行者其調停丁銀優免畧曰士夫之  
與齊民禮待原自有厚薄貧民之與富戶

賦役原自有輕重所以存體統恤貧窮也  
本縣未行條鞭之先鄉宦舉監生員各照  
例優免糧銀丁銀之外一應雜辦差銀毫  
不與其種地百姓有三等九則之丁銀  
如下下戶一丁納銀一錢五分每則加銀  
一錢五分至上上戶一丁納銀一兩三錢  
五分其均徭銀力二差與夫馬價鹽鈔里  
甲一應雜差銀兩俱派于地內又有夫戶

收頭之賠費斗禁舖兵頭役之苦累既行  
條鞭之後前項銀力二差與馬價鹽鈔收  
頭工食等項大約每年該銀一萬二千餘  
兩俱隨夏秋稅糧馬草一槩加於實在地  
內及將人丁不分貧富一例出辦丁銀然  
士夫所免者止于例例有限而所加者因  
乎地地無窮地愈多銀愈加致使新行所  
加派者反多于舊例之所優免者其槩縣

修編  
章  
七十四  
殷富之家既得減上八則之丁銀又無大  
戶收糧之累又免各項頭役之苦儘稱省  
便而猶以其所減派之銀數加派于有地  
士夫之家便于庶民而不便于士夫無恠  
乎鄉宦舉監生員之屢屢陳訴也其無地  
貧民每丁亦加銀三分每丁該銀一錢八  
分歷年忍耐輸納亦甚難支若不立規調  
停則士夫既未蒙息貧丁又且受累富民

之心不惟不安條鞭之法亦且難以合無  
候下次派定銀差之時將各鄉宦舉監生  
員各除照例該免糧地人丁照舊不加外  
如京官七品以上在外五品以上俱免加  
派在京八品以下在外六品有地八項免  
加派在外七品有地六項免加派八品有  
地五項免加派九品與教官有地四項免  
加派舉監生員有地三項免加派其餘不

係正途出身雜職等官仍照原申條鞭不免然士夫所免者俱止免銀力益鈔馬價各項雜差其正糧正草站銀俱照舊辦納外本身若有餘地與民地一槩編差不及數者不許濫免族人地畝及查無地貧民約有九千餘丁每丁減派銀三分共計減銀二百餘兩據鄉民所告願欲將所減銀數加派于有地人丁每人出銀二錢然地

畝有多少丁銀無加損實為不均合無加于地內地多多加地少少加庶得妥當其所免加及減派銀兩原係士夫貧民舊所無者計所免減共約銀六千餘兩仍歸于監縣上中下三等民地與優免外餘地共一萬餘項之內每畝上地不過六釐中下地以次遞減以足前項免加士夫及減派貧丁二項銀數然所加原係富民舊所

有者較之未條鞭之前該納地丁差銀仍少十分之九所以有地鄉民情願告認也由前一議士夫特不代百姓出加派之銀數非敢偏士夫而累百姓也然行此士夫感恩百姓亦不生怨由後一議貧民特不代富戶出加派之銀數非偏貧民而累富戶也然行此貧民蒙利富戶亦不受害况士夫告免之心即百姓欲認之心富戶願

加之心即貧民欲減之心彼此情願各無後言倘蒙俯從未議轉達允示遵照派編庶救偏均勞而條鞭之法經久可行矣余為議申上業蒙准允章丘士民亦儘稱便繼閱開居集稱正德嘉靖年間代東三府馬若干匹代萊蕪等縣均徭銀若干兩續代霑化馬一匹民壯工食一名又據鄉民李九京稱嘉靖年間又代萊蕪等縣正糧

若干兩以故本縣賦重差煩其糧徭銀數  
視

國初幾至相倍隆慶初年嘉靖末年章民困  
敝殊甚故李太常有吃打魔王使錢判官  
之語若非條鞭之法救護一二章丘之民  
吾不知其所終也年遠事定卒難變易姑  
溯洪武二年至萬曆二十三年賦額之數  
以俟能者

洪武二年賦額

地一萬三百七十九頃四十八畝三分六

釐

夏稅小麥一萬六千七百三十石四斗二升

九合五勺九抄七撮

絲綿五百八十二斤一十五兩七錢九分

八釐九毫二絲

秋糧稻米九十一石六斗九升三合二勺四

抄

粟米三萬八千八百八十三石四升一合  
八勺二抄二撮

綿花三百八十二斤一十四兩六錢四分

永樂十年賦額

地一萬五百一十一頃二十二畝九分四  
釐

夏稅小麥一萬六千九百八十三石五斗八

合五勺七抄五圭

絲綿五百九十斤六兩三錢五分九釐五  
毫

秋糧稻米九十二石七斗六升五合五勺九  
抄

粟米三萬九千五百三十五石三斗七升  
一合七抄四撮五圭

綿花三百八十三斤一十五兩四錢四分

竹編  
章  
七十八  
壽

臺灣國家圖書館, NATIONAL CENTRAL LIBRARY, TAIWAN, R.O.C.

成化八年賦額

地一萬五百一十六頃一十四畝四分四釐

夏稅小麥一萬六千九百六十一石三斗二

升四合三抄一撮八圭

絲綿五百九十斤一十兩七錢九分一釐

八毫二絲

秋糧稻米九十一石七斗六升五合五勺九

抄

粟米三萬九千四百八十四石六斗二升

三合二勺四抄八撮二圭

綿花三百八十二斤一十五兩四錢四分

嘉靖八年賦額

地一萬五百六十七頃七十九畝七分

外清出地五十一頃六十五畝二分六釐又

清出詭寄地一千餘頃

夏稅小麥一萬七千四十四石二斗三升八合五勺四抄八撮

絲綿六百九十斤一十兩七錢九分一厘  
秋糧稻米九十九石七斗六升五合五勺九抄

粟米三萬九千六百七十八石七升二合五撮二圭

綿花四百七十二斤一十五兩四錢四分

萬曆二十三年賦額

地於萬曆九年奏例清丈上中下共一萬三千六百七十八頃七十八畝三分五釐七毫四絲九忽二微六纖一塵萬曆十五年奉例退回 德府管業湖田一十六頃九十八畝實在一萬三千六百六十一頃八十畝三分五釐七毫四絲九忽二微六纖一塵續清出地二頃四十四畝七分三

釐又清出地二頃二十七畝九分五釐三  
 絲三忽共實在地一萬三千六百六十六  
 頃五十三畝三釐七毫八絲二忽二微六  
 纖一塵內上地七千二百三十六頃九十  
 七畝九分八釐八毫五絲七微七纖三塵  
 中地二千八百四十六頃五十九畝六分  
 七釐一毫二絲六忽六微五纖六塵下地  
 三千五百八十二頃九十五畝三分七釐

八毫四忽八微三纖二塵

丁共五萬七千一百二十六丁優免一千  
 一百八十五丁實在五萬五千九百四十  
 一丁內有地人戶四萬六千三百三十九  
 丁無地人戶九千六百二十二丁  
 續復業人戶畢天祿等一千四百一十五名  
 開過荒田二百九十四頃六畝  
 夏稅小麥一萬六千九百六十一石三斗一

臺灣國家圖書館, NATIONAL CENTRAL LIBRARY, TAIWAN, P.R.C.



稅縹五百九十斤一十兩七錢九分一釐八  
毫二絲折銀五百九十兩六錢七分五厘  
外加脚價使費銀四兩七錢二分五釐四  
毫

農桑折絹八百三十一疋二尺四寸七分五  
釐坐單折銀五百八十一兩七錢五分五  
釐外加脚價使費銀四兩六錢五分四厘

四絲

秋糧稻米四百二十四石坐單折徵銀六百  
三十六兩

粟米三萬九千一百五十二石三斗九升  
九合四勺內本色正改兌正米一萬二千  
三百石外耗米二千六百三十五石邊鎮  
耗米一百四十一石四斗二升萬曆十六  
年奉文外加脚價銀一千五百八十三兩  
二分四釐一毫使費銀九百四兩五錢八

分五釐二毫萬曆二十三年奉行裁減銀  
六百二十九兩六錢六分九厘三毫實剩  
銀二百七十四兩九錢一分五厘九毫坐  
單徵蓆草銀一百一十六兩八錢五分輕  
賣銀五百四十四兩萬曆十六年奉文徵  
使費銀一兩六錢三分二厘其本色正改  
兌正米萬曆十九年奉文又加腳價銀三  
百八十七兩四錢五分又官儒倉廣儲倉

本色米三千二百二石三斗九升九合四  
勺坐單折徵銀二千二百四十一兩六錢  
七分九厘五毫絲官倉外加孤老米二  
百石折銀一百四十兩廣儲倉外加腳價  
銀七十七兩蓆草銀四十一兩二錢五分  
又運軍行糧本色米五百石萬曆十六年  
奉文加腳價銀六十八兩二錢五分萬曆  
二十年奉文外加使費銀三十兩萬曆二

十三年奉行裁減銀五兩實剩銀二十五  
兩又廣受倉本色米三百五十石外加耗  
米二十五石九斗九升三合五勺二抄外  
加蓆草銀五兩二錢五分脚價銀一十二  
兩四錢七厘八毫使費銀七兩五錢一分  
九厘九毫又臨清州常盈倉本色粟米一  
千四百石坐單折徵銀五百六十兩外加  
費銀一兩一錢二分折色米二萬一千四

百石坐單折銀一萬九千五百兩二錢  
一分六毫六絲七忽六微七纖費銀一百  
一十四兩一錢七分八厘三毫五絲九微  
五纖

綿花絨三百六十二斤一十五兩四錢四分  
坐單折銀二十六兩八錢七厘五毫五絲  
外加舖墊銀三兩八錢二分九厘六毫五  
絲脚價使費銀二錢一分四厘四毫六絲

四徵

馬草五萬七千三百八十九束坐單折銀二千七百四十五兩六錢三分九厘七毫五分五忽三微外加費銀二十一兩九錢六分五厘一毫一絲八忽四纖以上共實徵本色正耗米一萬五千九百五十二石四斗一升三合五勺二抄折色并舖墊等項共實徵銀三萬八千五百八十六兩四錢

八毫七絲六纖

驛站銀三千七百一十七兩奉行隨糧派徵新徵兵餉銀二千一百七十六兩五錢奉行隨糧派徵

均徭銀差銀七千八百七兩七錢一分九厘三毫四絲二忽滴珠脚價使費銀六十一兩四錢四分九厘八毫奉文加編

武德道快手巡邏頭目工食銀一十六兩

奉文加編

武德道馬步兵工食銀二百九十三兩八錢  
舉人車價銀一十二兩減編民校銀七十  
二兩共實編銀八千一百一十八兩九錢  
六分九厘一毫四絲二忽

力差銀一千四百五十二兩萬曆十六年  
縣酌議減編刑具銀一十二兩實編銀一  
千四百四十兩外加查盤撥剝銀一十二

兩共實編銀一千四百五十五兩

里甲走遞青白夫馬騾等役共銀二千二百  
一十八兩八錢續奉文加編白夫銀三百  
六十兩走遞馬草料工食銀二百二十兩  
共銀二千七百九十八兩八錢

額辦公費銀三百九十八兩四錢五厘八毫  
六絲二忽一微續奉文添編濱州守備廩  
給紙劄銀七兩四錢一分六厘

按 三院器用公費銀三兩臨清祭將旗牌官  
哨廩食銀一十一兩筭手工食銀三兩六  
錢各衙門抄案工食銀一十四兩共銀四  
百三十七兩四錢二分一厘八毫六絲二  
忽一微

雜辦公費銀四百四十七兩一錢以上共實  
徵均徭銀一萬三千二百五十七兩二錢  
九分一厘四忽一微

價本色馬七十四匹又代解霑化縣馬一  
匹共銀二千二百五十兩其代解霑化縣  
馬匹往年因彼縣災代奉文代徵即申請  
仍歸該縣未示

折色馬一百一十二匹該銀二千六百八十  
八兩費銀二十一兩五錢四厘種馬草料  
銀九百三十兩費銀七兩四錢四分共銀  
三千六百四十六兩九錢四分四厘

條編  
卷百四十五  
二十九  
鹽鈔起運銀四百五十兩八錢七分二厘費  
銀三兩六錢七厘

存留銀四百五十兩八錢七分二厘

匠價起運京班匠價銀六十兩七錢五分  
存留提舉司匠價銀九兩四錢五分

學田 鄭家庄白雲院宋家庄十九郎庄四  
處共地二頃八十八畝六分四釐二毫八

絲

章丘縣志卷十三

姓氏志

志曰粵在古昔因生賜姓昨土命氏姓以  
別婚姻氏以辨貴賤姓可為氏氏不可為  
姓而秦漢以來混淆無紀於是公戶母鹽  
靡鏡其世方雷彤魚莫定其甥况乎號訛  
為郭奚訛為稽馬服轉馬千秋轉卓京房  
推律而姓京陸羽筮易而姓陸踈去足而

條編  
卷百四  
二十九  
鹽鈔起運銀四百五十兩八錢七分二厘費  
銀三兩六錢七厘

存留銀四百五十兩八錢七分二厘

匠價起運京班匠價銀六十兩七錢五分

存留提舉司匠價銀九兩四錢五分

學田 鄭家庄白雲院宋家庄十九郎庄四

處共地二頃八十八畝六分四釐二毫八

絲

章丘縣志卷十三

姓氏志

志曰粵在古昔因生賜姓昨土命氏姓以  
別婚姻氏以辨貴賤姓可為氏氏不可為  
姓而秦漢以來混淆無紀於是公戶母鹽  
靡鏡其世方雷彤魚莫定其甥况乎號訛  
為郭奚訛為稽馬服轉馬千秋轉卓京房  
推律而姓京陸羽筮易而姓陸踈去足而

存東橋弃木而留喬紛紛藉藉千枝萬派  
誰得而究詰者乎余謂姓緣德顯氏從人  
著故顧陸王謝六代重光韋杜崔盧九重  
屈節要皆其家行誼材望冠冕一時固不  
必盡神明之胄閱之裔纔足奇也

明初吳沈氏奉 旨撰千家姓得姓一千九  
百六十有八視李唐且多一千有奇視趙  
宋且多一千六百有奇而此邑如木如禡

則仍不載余謂

高皇帝之神聖吳沈氏之博雅寧至挂漏政  
以車書一統幅幘萬里其委巷窶戶或非  
輶軒使者之所能搜採也余為邑翔姓氏  
志凡得姓二百四十有二非祇以誇蕃衍  
亦欲令境內人士稍知保世亢宗之術貴  
家大族莫甘降為皂隸薄祚衰宗或思高  
其門閭云耳

知  
章  
卷  
九  
五

韓夏趙房于王高馬張

許恩陳劉闕彭齊魏盧

牛郭李裴董蔡胡崔賈

姜康楊蘇吳尹珥司孟

傅周孫宋徐段鄭遠華

翟謝邢靳蔣鄒魯田梁

木顏任安朱商柳沙黃

耿竇時季明路湛鄒鹿

袁溫韋烏杜呂霍申包

侯習栢丘唐林范潘何

馮邵文姬楚羅盛單秦

曹柴刁展寇錢薛管金

歐穆沈雷芊岑喬程蕭

庶龐丁閔左武祁信師

石辛景遽高鈕葉聞屈

索解郝訾靖栗法鬲襲

臺灣國家圖書館, NATIONAL CENTRAL LIBRARY, TAIWAN, R.O.C.

鞠邊隆鑒党滿東南門

顧類龔陰白步部甄光

郎荆倫桓施德繩邨勾

莊史聃絮費仲賀鄧楮

仝善谷隨禹都能梅蕺

盈常牟匿苑付典姚毛

曾滕尚車薄焦吉晋隗

郝太井宮蘭權俎杲西

胥乙岳管游譚禡減洪

卜卞鞏孔鮒陶曲支麻

寧殷平龍祖書臯甫夏侯

臺灣國家圖書館, NATIONAL CENTRAL LIBRARY, TAIWAN, R.O.C.

章丘縣志卷十四

風土志

志曰昔齊王問畫工孰最難最易畫工曰  
畫鬼魅易鬼魅無形畫犬馬最難犬馬人  
所時見不類不可類之故難余謂土俗民  
風皆街談巷說鄙俚不雅馴此亦畫犬馬  
之類也昔周秦之間每歲以八月遣輜軒  
使者求異代方言奏之藏于秘書漢時若

臺灣國家圖書館, NATIONAL CENTRAL LIBRARY, TAIWAN, R.O.C.

章丘縣志卷十四

風土志

志曰昔齊王問畫工孰最難最易畫工曰  
畫鬼魅易鬼魅無形畫犬馬最難犬馬人  
所時見不類不可類之故難余謂土俗民  
風皆街談巷說鄙俚不雅馴此亦畫犬馬  
之類也昔周秦之間每歲以八月遣輜軒  
使者求異代方言奏之藏于秘書漢時若

嚴君平翁孺才皆挾此學揚雄雖號博雅  
尤篤好之質問注續得九千餘言張竦以  
為縣諸日月不刊之書其獎許即不無過  
然要非淺見尠聞者所庶幾矣章丘故齊  
地古栢陵薄姑之墟其地宜桑麻其人怯  
于衆鬪勇于持刺其俗寬緩濶達足智而  
好議論其士多好經術矜功名其音傲僻  
而驕志詩曰子之營兮遭我乎穰之間

季札曰泱泱乎大風也哉表東海者其太  
公乎國未可量也管子曰齊之水道躁而  
復故其民貪麤而好勇漢書曰俗彌侈作  
冰紈綺綉純麗之物號為冠帶衣履天下  
隋書曰俗好教飾子女淫哇之音能令骨  
騰肉飛傾詭人目曾鞏曰齊故為文學之  
國然亦以朋比誇詐見于習俗此其大概  
也余謂不必盡然不必盡不然語曰百里

不同風千里不同俗傳曰沃土之民淫淫則忘善瘠土之民勞勞則思善而司馬溫公曰上行下效之謂風薰陶漸清之謂化淪胥委靡之謂流民心安定之謂俗夫以章丘咫尺

神京南望洙泗又近在衣帶豈其仍垣管功利之教波靡流失安然蒸喻之俗不知變乎余乃採諸道路之言述為屈土志

章國濟以東一岩邑也邑西百有一里為歷城東六十里而鄉平南一百八十里為萊蕪北九十里為齊東邑之為鄉者六在城曰關廟鄉城東北曰清平鄉城西曰西錦鄉城東曰東錦鄉城南曰明秀鄉城北曰下三鄉鄉之為圖者百有三關廟鄉之圖一十有一清平鄉之圖一十有五西錦鄉之圖一十有一東錦鄉之圖二十有五明秀鄉之圖二十

下三鄉之圖二十有一每鄉每圖設里長老  
 人各一每圖每甲設知識惣催各一里老主  
 保結惣催主散粮票催逋租而知識耑主清  
 理軍丁各圖軍多民少舊冊軍丁凡一萬餘  
 戶每年發單清勾勞擾小民雞犬不寧其軍  
 丁正解幫解軍裝之費每丁不下三四十金  
 民甚苦之

關廂士民襍居商賈輻輳俗營機利間多駟

驢武斷之奸西錦平原曠野宜五穀稍西則  
 白雲湖 德府子粒地也折而北為下三地  
 宜木綿折而東北即清平鄉地宜桑蚕成織  
 紗絹為利頗不貲獨潔河遇秋水時至小有  
 泛漲稍南則東錦近長白山山產薪炭富黎  
 棗清河上下宜稻藕菱芡蒲葦不通舟楫為  
 碓礮所礙然碓礮之利不減舟楫又折而西  
 南為明秀民夾南山而居山多出文石煤炭

桃栗之藪又多榘材巨可構室細可供爨  
鄉之為社者三十許社各有倉名曰保赤每  
倉谷約不下四五百石春出秋入公正主之  
公正亦三十人公正之屬為約約凡四百有  
一十有史有率有講約之屬為保保凡三百  
九十有八保有甲長有小甲約主講 聖諭  
勸化愚俗保每十家一牌主執戈御盜而公  
正則民間或有不清錢債與不明田宅聽縣

官差委處分耳

鄉之為鎮者十有八曰舊軍鎮曰步村鎮曰  
普集鎮曰水寨鎮曰辛家寨鎮曰柳塘口鎮  
曰臨濟鎮曰清平鎮即刁家鎮曰文祖鎮曰  
明水鎮曰張家林鎮曰魏郭林鎮曰涓口鎮  
曰大寨鎮曰博平鎮曰大冶鎮曰危山鎮曰  
段家橋鎮段家橋在縣東北四十五里集以  
四九危山在縣西南四十里集以一六大冶

在縣南四十里集以三八博平在縣東南三  
十五里集以二七大寨在縣北七十里集以  
三六清平在縣東北十五里集以二八柳塘  
在縣東北三十里集以四九水寨在縣西北  
二十四里集以一六三八舊軍在縣北十五  
里集以五十魏郭林在縣西北六十里集同  
大寨張家林在縣西北三十里明水在縣南  
三十里臨集在縣北六十里辛家寨在縣東  
北三十五里集俱同博平普濟在縣東南五  
十里集同大冶步村在縣南四十里集同危  
山惟文祖無集消口即有雉堞然迫近水寨今  
廢已此外又有新設十集二隊反南流庄以  
十五山後寨王家店以一六呂家寨胡家岸  
十八戶以四九頓丘以二七司家庄以三八  
郝家庄每日集而關廂之集東關一西關二  
南關三新街四北關五九五日一周周而復

始

凡民間之俗農勤耕作歲時伏臘則多隨香社徼福于太山名曰上頂喪祭喜作佛事士知讀書好吟咏習金元樂府富者鮮衣怒馬為富貴容頌重與訟斤斤守其家間操奇贏出而作賈有餘則捐貲補吏多至千數貧者工機械矜氣力好爭健訟至破身家無怨悔婚姻競財不遺餘力不足即告官諱絕則老

少年稍有睚眦輒怒目相鬪傷人至已下第乃自殊即低首願抵又錯居濟陽齊東菜蕪泰安之間攻剽椎埋發篋掘冢販鹽鑄幣走死地如驚恬不知恥婦女勤紡織又矜奮節義以失身為辱往往至老死不出門行街市間民間善釀酒每歲上農釀酒數十石中者十數石下者數石即樵夫漁父入市必痛飲醉則狼籍道左以為暢快故諺有之曰草丘

女見不得章丘酒罄不得此言雖鄙蓋道其實也若夫元旦禮天神拜尊長元宵張燈次日過橋清明中元季冬朔拜墓上巳修楔端午簪艾虎飴角黍飲菖蒲雄黃酒六月六日曬書七夕乞巧中秋翫月餽月餅重九挿茱萸賞菊飴餠長至添線臘月八日吃粥二十四日祀皂除夕挂門神釘桃符貼春聯烘炮春日貼宜春字飴春餅蓋與燕趙魯魏齊人

殊異云

章邱縣志

卷



臺灣國家圖書館, NATIONAL CENTRAL LIBRARY, TAIWAN. R.O.C.

章丘縣志卷十五

藝文志一

志曰余覽班孟堅漢書藝文志祇載書籍名目既某時某人所著若干種已耳夫孟堅奉詔成書欲備漢一經故不能不細讐詳錄以侈閱巨而日來郡乘邑志多倣其例余謂

明興郁郁質有其文二酉五車何之非是柰



何藉九野之訟言私為一方之成書乎余  
既削其例而至事關利弊情緣往復麗牲  
碧落之文臨水登山之咏類邛邛之幼婦  
等天台之金聲業已探驪難用覆瓿余因  
採而輯之都為六卷雖微嫌繁襍然已十  
芟四五文獻可徵政不欲令雕龍繡虎之  
裁自我埋沒也

論爰居

周柳下惠

越哉臧孫之為政也夫祀國之大節也而  
政之所成也故慎制祀以為國典今無故而  
加典非政之宜也夫聖王之制祀也法施於  
民則祀之以死勤事則祀之以勞定國則祀  
之能禦大災則祀之能扞大患則祀之非是  
族也不在祀典凡禘郊宗祖報此五者國之  
典祀也加之以社稷山川之神皆有功烈於  
民者也及前哲令德之人所以為明質也及

天之三辰民所以瞻仰也及地之五行所以  
生殖也及九州名山川澤所以出財用也非  
是不在祀典今海鳥至已不知而祀之以為  
國典難以為仁且知矣夫仁者講功知者處  
物無功而祀之非仁也不知而不問非知也  
今茲海其有災乎夫廣川之鳥獸恒知而避  
其災也是歲也海多大風久壞

戒子書

漢書文

夫吾家舊貧不為父母群弟所容去野  
吏游學周秦之都往來幽并兗豫之域獲覲  
乎在位通人處逸大儒得意者咸從捧手有  
所受焉遂博稽六藝粗覽傳記時觀秘書緯  
術之奧年過四十乃歸供養假田播殖以娛  
朝夕遇閻尹擅執坐黨禁錮十有四年而蒙  
赦令舉賢良方正有道辟大將軍三司府公  
車再召比牒併名早為宰相惟彼數公懿德

大雅克堪王臣故宜式序吾自忖度無任於  
此但念述先聖之元意思整百家之不齊亦  
庶幾以竭吾才故聞命罔從而黃巾為害萍  
浮南北復歸邦鄉入此歲來已七十矣宿素  
衰落仍有失誤案之禮典便合傳家今我告  
爾以老歸爾以事將閑居以安性覃思以終  
業自非拜國君之命問 袂親之憂展敬墳墓  
觀省野物胡嘗扶杖出 門乎家事大小涉一

承之咨爾兢兢一夫曾無同生相依其功  
君子之道研讚勿替敬慎威儀以近有德顯  
譽成於僚友德行立於己志若致聲稱亦有  
榮於所生可不深念邪可不深念邪吾雖無  
紱冕之緒頗有讓爵之高自樂以論贊之功  
庶不遺後人之羞末所憤憤者徒以亡親墳  
壟未成所好群書率皆腐敝不得於禮堂寫  
定傳與其人日西方暮其可圖乎家今差多

於昔勤力務時無恤飢寒非飲食薄衣服節  
夫二者尚令吾寡恨若忽忘不識亦已焉哉

貽張衡書

隋房彥謙

竊聞賞者所以勸善刑者所以懲惡故踈賤  
之人有善必賞尊貴之戚犯惡必刑未有罰  
則避親賞則遺賤者也今諸州刺史受委宰  
牧善惡之間上達本朝懾懼憲章不敢怠慢  
國家祇承靈命作民父母刑賞曲直升罰之

天黃吳照臨亦宜

刑賞曲直升罰之

畏天之威以此而論雖州國

然憂民慎法其理一也至如并州農

甄明若揚諒實以詔命不通焉宗社危逼微

兵聚眾非為干紀則當原其本情議其刑罰

上副聖主友于之意下曉愚民疑惑之心若

審知內外無虞嗣后纂統而奸亂樂禍妄有

覬覦則管蔡之誅當在於諒同惡相濟無所

五

逃罪裊懸擊我國有常刑其明乃有情非協  
同力不自固或被擁逼淪陷凶賊逆使憂  
流移恐為冤濫恢恢天網豈生  
輕斯義安在昔叔向寘鬻獄  
釋之斷犯蹕之刑漢文稱  
廷尉非苟違君但以執法無  
聖人大寶是曰神品苟非天  
蚩尤項籍之驍勇伊尹霍光之  
捕殺李老孔

丘之才智呂望孫武之兵術吳楚連磐石之  
據產祿承母后之基不應歷運之兆終無帝  
王之位况乎蕞爾一隅蜂虻聚楊諒之愚  
鄙群小之凶慝而欲憑陵畿甸覬幸非望者  
哉開闢以降書契云及帝皇之跡可得而詳  
自非積德累仁豐功厚利孰能道洽幽顯義  
感靈祇是以古之哲王昧旦丕顯履冰在念  
御朽兢懷逮叔世驕荒曾無戒懼肆於民上

騁嗜奔慾不可具載請畧陳之曩者齊陳二  
國並居大位自謂與天地合德日月齊明罔  
念憂虞不恤刑政近臣懷寵稱善而隱惡史  
官曲筆掩瑕而錄美是以民庶呼嗟終閉塞  
於視聽公卿虛譽日敷陳於左右法網嚴密  
刑辟日多徭役煩興老幼疲苦昔鄭有子產  
齊有晏嬰楚有叔敖晉有士會凡此小國尚  
足名臣齊陳之疆豈無良佐但以執政壅蔽

懷私徇軀忘國憂家外同內忌設有玉直之  
士才堪幹持於己非宜即加擯壓倘遇諂佞  
之輩行多穢匿於我有益遽蒙薦舉以此求  
賢何從而至夫賢材者非尚膂力豈繫文華  
唯須正身負載確乎不動譬棟之處屋如骨  
之在身所謂棟梁骨鯁之材也齊陳不任骨  
鯁信近讒諛天高聽卑監其淫僻故捻收神  
器歸我大隋向使二國祇敬上玄惠恤鰥寡

委任方直斥遠浮華卑菲為心惻隱為務河  
朔疆富江湖險隔各保其業民不思亂泰山  
之固弗可動也然而寢卧積薪晏安鳩毒逐  
使禾黍生廟霧露沾衣弔影撫心何嗟及矣  
故詩云殷之未喪師克配上帝宜鑒于殷駿  
命不易萬機之事何者不預熟慮我伏惟皇  
帝望雲就日仁孝夙彰錫以分珪大成規頌  
之念統淮海盛德日新當聽之符遐邇僉屬

讀歷南爾寬仁已布率土蒼生翹足而喜并  
州之亂變起倉卒職由揚諒詭惑詿誤吏民  
非有構怨本朝棄德從賊者也而有司將帥  
稱其願反非止誣陷良善亦恐大點皇猷足  
下宿當重寄早預心膂粵自藩邸柱石見知  
方當書名竹帛傳芳萬有稷契伊呂彼獨何  
人既屬明時須存審諤立當世之大誠作將  
來之憲範豈容曲順人主以愛虧刑又使脅

從之徒橫貽罪譴忝蒙眷遇輒寫微誠野人  
愚瞽不知忌諱

房彥謙碑銘并序 唐李百藥

易稱易之為書也有天道焉有人道焉故君  
子居則觀其象動則觀其變進退之數有定  
存亡之機可見昔賈生董相抱命世之資懷  
王佐之才而迭遭一世橫難當年軼風雷以  
長鳴絕雲霓而鐵駟樂于知命順時守道雖

近川竅其浸遠而盛德久而彌新昔之玉質  
金相求益友於千載蘭芳桂馥起同氣於九  
原則有之矣緬懷庶幾之道詳觀出處之跡  
可以追蹤盛業繼踵清塵者其惟都督臨淄  
定公焉公諱彥謙字孝冲清河人也十三世  
祖植魏大司空封莊武侯七世祖諶燕大尉  
掾曾祖相州主簿襲爵莊武侯祖翼曹州主  
簿襲爵莊武伯父伯熊辟關府行清河廣州

二郡太守公稟元精之和粹體淳懿之泝靈  
 心運天機性與道合温良恭儉博極群書遠  
 近遊學聲來響應自遷宅齊土里稱冠蓋庭  
 茂芝蘭行則連騎居則列鼎雖比封君不之  
 過也公明天人之際述堯舜之道固宜弘漢  
 名教溥利生民州郡之職蓋非其志郡初辟  
 為曹州主簿公以周隋禪代紀綱紊弛勉而  
 從政乃整齊風俗申明獄訟進善黜惡道德

言懼政教嚴明吏民悅服物之仁不自為  
 德不負之實非私也如開皇初搜揚人物  
 州縣教過公以疾辭後隋文帝忌憚英雄不  
 許傳跡立園公懼而應舉授吏部丞奉詔遷  
 監察御史轉秦州總管錄事參軍尋以朝集  
 入京論考課之法不能見用改遷許州長葛  
 令勾鎮之以清靜文之以禮樂訟以道息災  
 以德弭百姓感悅咸不忍敗遷鄴州司馬以

州廢解任歸大業初妙選賢良公應舉詔赴  
京洛公以朝綱頽壞起而就徵攬轡登車即  
有澄清天下之志於是激濁揚清風馳草偃  
進擢者不致謝言受刑者咸無怨色自非道  
在至公信以被物其孰能與於此哉既而王  
政陵夷小人道長忠言靡聞大業十二年出  
為涇陽令未幾遘疾以其年五月壬申終於  
官舍春秋六十有九哇子玄齡依輔大曆大

宗皇帝眷言才子有懷遺烈貞觀三年詔贈  
都督徐州五州諸軍事刺史四年追贈臨淄  
公食邑一千戶謚定公五年三月安厝亭山  
縣趙山之陽惟公風度凝重神英沉遠爰自  
幼年孝友淳至行周於物寒暑不易其心智  
周於身變通不窮其數而靈祇多忍幽明永  
隔豈不哀哉於是四方同志之士百里懷音  
之客式追盛烈共勒豐碑百藥爰以疇昔文

遊乃為銘焉其辭曰遐觀方冊歷選人倫名  
固難假德必有鄰簡侯攸訓天齊分命世祀  
有徵重光無競顯允君子丕承寵光玄門味  
道幽谷迷方儀鳳潛形彫龍振藻弘之在人  
一變至道三徑雖阻八紘方密僊俛未班遷  
迤下秩履斯異行岳此丕基才高位下有志  
無時遺權有憑高門以闢眷言上壽方期永

錫

諫伐高麗疏

唐房玄齡

臣聞兵惡不戢武貴止戈今上古所不臣者  
陛下皆臣之所不制者陛下皆制之矣為中  
國患無如突厥而大小可汗相次束手弛辮  
握刀分典禁衛延陀鐵勒披置州縣高昌吐  
渾偏師掃除惟高麗歷代逋命莫克窮討陛  
下責其弒逆身自將六軍征荒裔不旬日拔  
遼東虜獲數十萬殘衆孽君縮氣不敢息比

功較德萬倍前王且陛下拔將於行伍之中  
取士於凡庸之末加以留情墳典屬意篇什  
筆邁鍾張辭窮班馬撫萬姓以慈遇群臣以  
禮褒秋毫之善解吞舟之網逆耳之諫必聽  
膚受之愬斯絕降乘吃思摩之瘡登堂臨魏  
徵之柩哭戰亡之卒則哀動六軍負填道之  
薪則精感天地衆美兼備臣深為陛下惜之  
重之愛之寶之易曰知進退存亡而不失其

正者其惟聖人乎蓋進有退之義存有亡之  
機得有喪之理為陛下惜者此也傳曰知足  
不辱知止不殆陛下威名功烈既云足矣拓  
地開疆亦可止矣邊夷醜種不足待以仁義  
責以常禮古者以禽魚畜之必絕其類恐獸  
窮則搏苟救其死且陛下每決死罪必三覆  
五奏進䟽食停音樂以人命之重為感動也  
今士無一罪驅之行陣委之鋒鏑肝腦塗地

魂魄無歸老父孤兒寡妻慈母望撻車而掩  
泣抱枯骨以摧心足以變動陰陽傷害和氣  
實天下之痛也使高麗遺失臣節誅之可也  
侵擾百姓滅之可也長能為中國患夷之可  
也今無是三者而坐救中國為舊王雪耻新  
羅報仇非所存小所損大乎臣願下沛然之  
詔許高麗自新焚陵波之船罷應募之衆自  
然華夷慶頌遠近安即臣死骨不朽

重脩夫子廟碑并序 宋郭灝

堯舜生於前有其位夫子之道未聞荀孟生  
於後無其時夫子之教已尊然則有其位者  
行其道無其時者垂其教道之行也堯舜當  
與繼聖而王矣教之垂也荀孟豈得同時而  
語哉故曰肇自生民德無與鄰跨千古以孤  
高掩百王而時出猶四瀆之閩周流莫窮若  
兩曜之明照臨無外侯封王贈歷世彌寵春

祀秋祭溥天是奉自漢唐而下遠及我朝煌  
煌赫赫光華日新不其偉歟舉天下郡縣皆  
設廟像齊魯尤盛清平軍實厯下之屬邑舊  
有夫子廟在縣西南隅一殿僅存既隘且陋  
春秋二時縣官無置奠之所占籍萬家儒生  
無會學之舍由是虞曹員外郎張君仲宣字  
元忠以嘉祐五年庚子歲丁太夫人憂制執  
喪居里因嘆曰今之公卿大夫未始不由吾

道而顯然臨治之際罕能興起其事為政化  
先甚不足取也遂率鄉閭好善者數十人  
同心協力輸錢出緡得資若干尚未周用又  
以私財足之且白于軍使程公庫部得丁夫  
官匠以佐其工命兵校公胥以督其役開基  
拓地朝經暮營曾未旬月締構以完廟貌鼎  
新宮室廬舍門廡窓戶悉皆備焉又新其塑  
像正其冕服而自是來奠幣者得以嚴濟濟

之容舒拳拳之志其制也壯而弗麗宏而不  
僭其費也從衆之樂輸伺民之餘暇不匱不  
耗績用有成張君費而不奢儉而中禮鄉黨  
稱其孝弟朝野推其廉能茲役之辦實其效  
歟灝被召承乏出宰茲邑用觀厥成躬試藝  
文而鄉閭之間人知向學然後知夫子之教  
助治之遠使人遷善遠罪而不自知其有益  
也張君因以碑銘為請因辭之不克乃為之

儒七國惡聘三千其徒斯文未墜孰能興乎  
往者待我來者宗子師表萬世涓流八區有  
道皆仰無時可踰惟此陽丘置而弗脩列位  
之恥諸儒之憂惟此張君顧本是謀殿宇儀  
像一新爾歟階序垣墻峻慙軒昂前門後殿  
左室右堂設庠設序化邑孔光儒冠儒服束  
者寢昌趨進濟濟威儀皇皇詩書禮樂日就

月將春誦直張清風再揚自爾厥後垂休無  
疆

穆廷秀墓表

宋王壽卿

有宋君子河南穆廷秀諱賓廷秀其字也少  
卓越有志操博通書史尤明周易老聃之道  
性冲淡不樂仕進嘉遯養素以終其身鄉閭  
無長幼貴賤莫不悅向謂之君子熙寧元年  
二月五日歿壽七十三穆氏世為河南人唐

秘書監寧之後自其高祖徙居開封至君摯  
其帑益東遂占籍于齊州之章丘縣歿葬女  
郎山之陽以其配趙劉二夫人柩後四十有  
五年當政龢癸巳焯九月既望刻石表墓以  
著不朽云

王魯翁穆氏先塋贊 宋黃魯直

王魯翁嗜篆一以李監為師行於四方聞李  
監石刻之所在無風雨晨夜余未識魯翁見

壁題曰是必陽冰之面裔也已而果然其論  
陽冰筆意從老至少肥瘦剛柔巧拙妍媸皆  
可師承有味其言之也余嘗戲魯翁杜元凱  
左氏之忠臣王魯翁李監之上嗣也今世作  
小篆者凡數家大率間以架為主李氏筆法幾  
絕見魯翁用筆可以酒酌陽冰之冢耳

穆伯初墓表

宋無名氏

章丘有隱居篤行長者河南穆君歿於熙寧

丙辰後三十七年孫湊始錄其先人宣手  
疏君遺善諉河陽王壽卿以為墓表按君諱  
端字伯初甫少力學剛毅能尊其所聞尤以  
孝著皇考賓材其子早已家付而喜散施君  
傾資奉之未嘗以有無為言逮執喪龔毀過  
禮臨窆號慟屢至隕絕廬守墓側服竟始去  
後每諱日孺墓涕泣終其身而哀不衰季弟  
容死京師殯于中野它日君迹之弗獲乃招

魂葬焉自是歲時與親朋游集輒悲思不樂  
烏呼君隱士也其施設雖不大見於時觀其  
內行脩飭而居鄉友善遇事造次必本於厚  
則蓄而不發者殆可知已宣德君名暉蓋君  
冢嗣云

廉先生序附題跋

宋李格非

齊郡有廉先生者隱君子也少時一負書應  
舉既而不知其情世而醜俗歟亦愛其身以

有待歟不然得喪輕重已判於胸中歟年未  
四十恻然來隱於齊東湖山之麓盡束其平  
生所讀書置屋棟閣而獨抱夫易以老焉其  
大者則格非知誠恐不足以知之蓋言所可  
知以推所未知者則先生始來築室結廬植  
竹數千木數百若甚暇且易而其堅完蕃茂  
它人畢力莫能及人疑之曰此先生築室植  
木有術既而又見其種田百畝活十餘口年

歲無不給則曰是必能化黃金後四十年考其壽當八九十而見其猶有童顏也則曰是必能餌丹人數以告先生泛焉受之不辭或從而求其術則告之曰是安得術吾於築室植木也知不以彼之成壞易吾之誠於家也知不以彼之盈虛奪吾之常理於身也知不以思慮櫻情吾之育中如是耳安得術雖然若有問治天下國家者吾亦將以是語之其

友王文恪公既顯欲薦之朝度先生不可屈乃止治平中詔求遺逸刺史王才赫將迫先生行先生陰使人進其弟子胡鄆雖鄆終身不知也格非之兄和叔以為其不苟於古可似黔婁其難際似叔度其藏節匿行使世莫得名其高則非仲長子光不可偕也考夫功業則疑其數十年間天下之人有時忠順豈樂之意莫知其然而生忽戾之人亦有時

乎悔艾之心莫知其然而作天地之氣其容  
 與調暢足以養萬物而秀嘉草者恐斯人與  
 有功焉始聞去冬奄已即世子皇皇請議未  
 及此正西山之餓夫東國之逐臣燕之屠蜀  
 之卜絳縣之老有賴於仁人君子一言之時  
 也唯吾缺二字人質之區區亦欲藉之以告請  
 議之伯元豐八年九月十三日繡江李格非  
 文叔序

迴憶昔童時從先伯父先考先妣西郊從  
 三里抵茂林修竹谿深水靜得先生之居讀  
 拜先生數幸侍側款聞磬歎之餘獨翫補蒙  
 未有知識但見先生雲中鳧鳥羽服藜杖身  
 晦於林泉之間望之如神仙中人真古所譎  
 隱逸者也先生既沒先考評其為人先叔作  
 序以紀名實而太學諸生取其附於策斷之  
 末傳誦天下儒者尊師之迄茲三十有七年